

fidem, & confessionem, quidquid sane garriant
obstrependo nasuti alijs, nescio quibus productis
schedis furtim collectis, atq; de veritate incertis.
Habemus libros non ēπισολικούς sed ἀποσολικούς
καὶ σωματικός, ut ita loquar, id est, doctrinam
integralē explicantes, publicē editos, in quibus
verba Lutheri de Philippo hæc inuenimus: Ex-
tant Dei gratia methodici libri quam plurimi,
inter quos Loci communes Philippi excellunt,
quibus Theologus & Episcopus abunde formari
potest, ut sit potens in sermone doctrina pietatis.
Et rursum: Inuenitus libellus Philippi Melanthonis,
non solum immortalitate, sed & Canone Ec-
clesiastico dignus est. Et: Quid operatus sit Do-
minus per hoc organum, Philippum, non in literis
tanum, sed in Theologia, satis testantur eius ope-
ra, etiam si irascatur satan, & omnes squamae eius.
Et aliquoties, etiam literis scriptis, solitus est Lu-
therus Philippum nominare, seinen Herzallers
liebsten / ex corde carissimum Philippum. Phi-
lippus vero doctrinam à Luthero quasi postlimi-
mo recuperatam, & Dei beneficio, his terris, &
multis regnis ac nationibus, Sueciæ, Daniae, Nor-
wegiae, toti Saxoniae, Misniae, Marchiae, Silesiae,
Franciae, Sueviae, & alijs pluribus per Europam,
etiam ipsis aduersarijs feliciter restitutam propa-
ganuit fideliter, sicut ipse inquit: Summam do-
ctrinæ, quam Lutherus in diuersis & interpreta-
tionum & concionum voluminibus tradiderat,

H; tanquam